

Konrad Nielsena 150 jagi ávvoseminára

22.–23.10.2025 Sámi allaskuvllas Guovdageainnus

Konrad Nielsen (1875–1953) lei gielladutki ja Oslo universitehta suoma-ugralaš gielaide professor, gii barggai erenoamážit davvisámegiela suopmaniiguin ja čállinvugiin. Nielsena dovdoseamos dieđalaš bargu lea su sátnegirji *Lappisk (samisk) ordbok*.

Konrad Nielsen riegeáidii 28.8.1875, ja dán jagi lea gollan 150 jagi su riegeáideamis. Sámi allaskuvla ja Turku universitehta lágideat ovttasbargun Konrad Nielsena 150 jagi ávvoseminára sámi giellavahku áigge 22.–23.10.2025. Ávvoseminára gullá Sámi allaskuvlla Eamiálbmotgielaide logijagi (2022–2032) doaimmaide.

Ávvoseminára váldologaldallit leat:

Inga Lill Sigga Mikkelsen (UiT Vuona arktalasj universitehta):

Sáhkavuoru fáddá almmuhuvvo manjeleappos.

Markus Juutinen (Turku ja Oulu universitehtat) ja **Taarna Valtonen** (Turku, Helssega ja Oulu universitehtat):
*Sää'mkiöl tu'tkkummuš Taar beä'lnn Nielsen ääi'j rää'jest / Nuortalašgiela dutkan Norgga beale Sámis
Nielsena áiggii rájes*

Bovdet sáddet evttohusaid ávvoseminára sáhkavuoruide, mat sáhttet guoskat Konrad Nielsena dieđalaš árbbi dutkamii muhto maiddá buot sámegeleaid dutkamii Nielsena dutkansurggiid hui viiddes mearkkašumis. Sáhkavuorut sáhttet gokčat mánggalágan fáttáid omd. sámegeleaid leksikografii, dialektologii, giellaoahpas, čállinvugiin ja nammadutkamis.

Sáhkavuoruid guhkkodat lea 20 minuhta ja 10 minuhta ságastallan, ja sáhkavuoruide sáddejuvvojit eanemustá 300 sáni čoahkkáigeasut (abstrávtat). Čoahkkáigeasut, main namuhuvvojit maiddá sáhkavuoruid bajilčállagat ja logaldallit, sáddejuvvojit Word-hámis manjimustá **30.5.2025** e-bostii KN150@samas.no.

Gažaldagat lágideddjiide sáddejuvvojit maiddá dán e-bostii.

Geavatalaš dieđut ja seminára prográmma almmuhuvvojit dađistaga seminára neahttasiiddus <https://samas.no/se/a/konrad-nielsena-150-jagi-avvoseminara>. Oassálastindivat, mii gokčá beaiveborramiid, ávvomállásiid ja semináramateriálaid, lea 2000 NOK. Ávvoseminárii almmuheapmi rahppo borgemánus.

Seminaaren barkoegielh leah gaajhkh saemiengielh. Buerie baaateme!

Seminára barggogiela le divna sámegele. Buoris boahtem!

Seminára barggogielat leat buot sámegeleat. Bures boahatin!

Seminaar pargokielah láa puoh sámielah. Tiervápuáttim!

Seminaar tuejkiöl liä puk sää'mkiöl. Pue'tted tiörvân!

Семинар лыххкэм кил лев пугк сәмь кил. Пуэдтэ тйррвән!

Dearvvuođaiguin ávvoseminára lágideaddjit

Kaisa Rautio Helander ja Jussi Ylikoski



**Sámi
allaskuvla**



**UNIVERSITY
OF TURKU**



2022-2032 | INTERNATIONAL DECADE OF
Indigenous Languages